

# *Singapore Government*

# **MEDIA RELEASE**

Media Division, Ministry of Information and the Arts, 140 Hill Street #02-02 MITA Building  
Singapore 179369. Tel: 837 9666

---

#### **EMBARGO INSTRUCTIONS**

The attached press release/speech is **EMBARGOED UNTIL AFTER DELIVERY.**  
Please check against delivery.  
For assistance call 837 9666

---

SPRInter 4.0, Singapore's Press Releases on the Internet, is located at:

<http://www.gov.sg/sprinter/>

---

AMENDED COPY

#### **UCAPAN HJ ZAINUL ABIDIN RASHEED, SETIAUSAHA PARLIMEN KANAN (EHWAL LUAR) DAN AP GRC CHENG SAN DI MAJLIS SAMBUTAN HARI ASATIZAH, 2 SEP 2000, 2 PTG DI ORCHARD BALLROOM, HOTEL ORCHARD**

*Assalaimualaikum wr wb*

Pertama-tama, izinkan saya mengambil kesempatan di majlis berbahagia ini untuk mengucapkan selamat menyambut Hari Asatizah kepada semua asatizah yang saya hormati. Saya juga mendoakan semoga Allah sentiasa memberkati sumbangan murni sekalian asatizah dalam usaha membentuk dan membangunkan ummah.

Sebentar tadi, Mufti Negara telah mengingatkan kita tentang perlunya kita, tidak kira sama ada kita pemimpin, pendidik, ibu bapa mahupun para pelajar, agar sentiasa melaksanakan amanah cintakan ilmu. Tema ucapan Mufti memang kena pada tempatnya sedang kita memasuki satu era yang amat mencabar iaitu era Revolusi Ilmu atau "Knowledge Revolution". Revolusi Ilmu ini meliputi semua aspek atau

bidang ilmu termasuk ilmu agama, peradaban, sains hayat, teknoloji maklumat atau IT, ekonomi, sosial dan sebagainya.

3Saya percaya golongan asatizah tidak mempertikaikan seruan ini. Malah, sesetengah daripada mereka telahpun aktif berkecimpung dalam bidang-bidang di luar disiplin mereka seperti memasuki bidang perniagaan IT, hartanah, insurans dan menjadi penasihat agama dalam urusan-urusan seperti saham dan sofwe Islam.

4Dalam era Ekonomi Berteraskan Ilmu atau KBE, kita memerlukan ramai individu termasuk asatizah yang bersikap inovatif dan berani mencuba sesuatu yang baru demi kemasalahatan umat dan negara.

5Sehubungan dengan ini, masyarakat kita perlu dipersiapkan dan digerakkan ke arah “Revolusi Ilmu.” Setiap daripada kita mempunyai peranan penting untuk membantu mewujud dan menyemarakkan budaya ilmu ini. Kita perlu terus meningkatkan kemahiran kita. Kita perlu “learn to unlearn” mana-mana kebiasaan yang tidak lagi diperlukan.

6Bagi madrasah dan asatizah, peluang dan kesempatan untuk terus meingkatkan diri sentiasa terbuka luas. Saya faham dan yakin, Muis sendiri komited untuk membantu para asatizah meningkatkan diri menerusi kursus-kursus latihan dan kemahiran. Muis juga akan terus berusaha meneroka usaha-usaha baru bagi meningkatkan lagi sistem dan prestasi madrasah. Di antara inisiatif terbaru Muis untuk melengkapai madrasah dengan alat-alat pengajaran yang canggih ialah memperkenalkan ‘jalur’ Intranet Madrasah yang akan dilancarkan dalam majlis ini. Dengan adanya Intranet Madrasah ini, para asatizah dapat menyediakan skim pembelajaran ‘on-line’ dan mengajar dengan menggunakan teknik-teknik yang akan meningkatkan daya dan mutu pengajaran dan pembelajaran di madrasah. Intranet Madrasah ini juga membolehkan para pelajar mendapatkan atau ‘access’ nota-nota pembelajaran mereka dari rumah atau di mana sahaja mereka berada.

7Kita faham bahawa untuk terus memajukan pendidikan madrasah, sistem yang mantap dan prasarana yang cukup mesti disediakan. Untuk itu, kewangan kita mestilah kuat. Untuk membantu menampung perbelanjaan ini, Muis dengan persetujuan madrasah telah

membentuk Dana Madrasah pada Okt 1994. Sejumlah \$12 juta telah dikumpulkan sejak Dana Madrasah dilancarkan. Sejauh ini sekitar \$7 juta daripada Dana Madrasah telah dibelanjakan untuk madrasah. Ini termasuklah memberi elauns tokokan tahunan kepada setiap asatizah, capitation grant bagi setiap pelajar, menyediakan kursus-kursus latihan dan peningkatan, dan menyediakan prasarana IT Madrasah.

8 Sambutan orang ramai adalah menggalakkan. Setiap tahun sejak Dana Madrasah dibentuk, sekitar \$1.2 juta dikumpulkan. Jumlah ini termasuk derma tetap Muis sebanyak \$700,000 setahun. Bakinya adalah derma daripada Yayasan Mendaki iaitu sekitar \$250,000 dan derma tetap orang ramai menerusi sistem GIRO.

9 Saya gembira diberitahu bahawa Muis telahpun memperuntukkan sumbangan sebanyak \$5 juta kepada Dana Madrasah untuk lima tahun akan datang ini. Lagi \$5 juta dijangka dapat dikutip daripada sumbangan pelbagai pihak. Sejajar dengan matlamat ini, Muis akan melancarkan satu kempen meningkatkan kesedaran dan sumbangan orang ramai kepada Dana Madrasah sebelum akhir tahun ini. Borang-borang GIRO dan risalah-risalah mengenai Dana Madrasah akan diedarkan kepada orang ramai. Satu publisiti media termasuk akhbar, radio dan televisyen juga akan diadakan. Butir-butir terperinci kempen ini akan diumumkan tidak lama lagi.

10 Semua langkah Muis ini jelas menunjukkan kesungguhan dan iltizam Muis untuk membantu madrasah dalam menghadapi cabaran masa depan terutama dengan perlaksanaan CE dalam 2003. Ia juga diharapkan akan menjadi pendorong kepada badan-badan Islam, golongan korporat dan para dermawan untuk membantu mencapai matlamat kempen Dana Madrasah tersebut. Saperti yang kita mahlum, tanggungjawab menjayakan pendidikan ugama, termasuk madrasah, adalah tanggungan kita bersama. Anggaplah ia sebagai satu cabaran, malah peluang kita bersama. Ia harus dijayakan bersama.

11 Marilah kita sama-sama menyokong usaha ini demi memastikan masa depan institusi madrasah sentiasa cemerlang. Adalah menjadi harapan dan aspirasi masyarakat Islam Singapura untuk melihat madrasah terus berkembang sebagai institusi pengajian Islam yang bakal melahirkan asatizah, ulama dan cendekiawan Islam

yang berwibawa dan penyumbang utama kepada kejayaan dan kemajuan agama, masyarakat dan negara.

12 Dalam menangani sesuatu perkara, soal kewangan dan dana memang penting. Tetapi ingin saya mengongsi isi hati saya untuk menekankan bahawa, masyarakat kita telah menunjukkan, bahawa apabila wawasan, niat dan tujuan sesuatu projek itu dikongsi bersama, wang tidak menjadi halangan.

13 Umpamanya, dalam soal membina dan mentadbir masjid-masjid indah tersergam, serba moden dan berwibawa, masyarakat kita telah membuktikan hati mereka besar. Sebagai sebuah masyarakat Islam, walaupun kecil dan bercorak minoriti dalam suasana negara yang rata-rata sekular ini, kita telah dengan cara kolektif mengorak langkah-langkah sepadu untuk menjadikan impian sebagai realiti. Contoh-contoh pembangunan kita yang lain yang kian mendapat perhatian dari bukan sahaja masyarakat minoriti Islam lain di merata dunia, malah dari negara-negara Islam sendiri, termasuk soal pemungutan dan pengagihan zakat, pembanguna harta tanah waqaf dan kerja-kerja dakwah dan kemasyarakatan kita. Masyarakat kita juga telah menunjukkan kita juga mempunyai potensi dalam bidang IT dan sains dan teknologi, bersama bersaing dan menyumbang.

14 Soal pembangunan terus sistem madrasah kita tidak harus disangsikan lagi. Soal dana tidak harus kita bimbangkan. Sama juga dengan soal menentukan landasan minimum kelulusan bagi mata pelajaran EMS atau Inggeris, Matematik dan Sains. Keyakinan yang ditunjukkan untuk menjayakan sistem pendidikan agama kita, termasuk madrasah sepenuh masa dan separuh masa akan membawa kita untuk mencapai lebih dari yang minimum. Kita tidak sangsi, bakal asatizah dan guru agama yang akan diamanahkan dengan tanggungjawab untuk membimbing anak-anak kita akan terdiri daripada insan-insan yang berkebolehan tinggi. Malah kita mahukan, antara mereka akan timbul para ulama yang akan menjadi pemikir dan penggerak revolusi ilmu demi masadepan masyarakat dan negara.

15 Yang penting sekarang adalah, kita menggunakan pengalaman laluan kita membahas dan mencerna isu madrasah itu sebagai iktibar bagi kita menguatkan lagi perpaduan di kalangan para pemimpin dan masyarakat Islam di sini. Kita telah melihat bagaimana dan betapa banyak yang boleh dan telah kita hasilkan. Perbedaan pendapat dan pendekatan yang wujud tidak harus terus menjadi sempadan bagi kita menguatkan silaturrahim dan sinergi kita untuk bergerak secara sepadu.

16 Para pemimpin masyarakat, termasuk para pemimpin agama, harus melipat ganda usaha memperbanyak langkah-langkah membina semula keyakinan atau 'confidence building' antara satu sama yang lain. Sejarah telah membuktikan bahawa hanya dengan perpaduanlah baru sesuatu masyarakat itu akan dapat mencapai dan terus maju dengan baiknya. Kita tidak harus mengulangi kesilapan-kesilapan lama dan membenarkan perbedaan pendapat atau pendekatan menjadi sempadan. Lebih-lebih lagi apabila kita semua tahu dan setuju masing-masing pihak mengerjakannya atas dasar kepentingan agama dan masyarakat, walaupun mengambil kira realiti konteks negara berbilang bangsa Singapura ini.

17 Akhir kata, insyaAllah usaha-usaha kita bersama ini akan terus diberkati Allah. Wabillahhit Wh WS Wr Wb.

.....

National Archives of Singapore